



R 9899

Broj: 06-11-3501/7-23 veza Ž
Ilidža, 02.08.2023. godine

Na osnovu člana 100. stav (3) Zakona o javnim nabavkama ("Službeni glasnik BiH" broj: 39/14 i 59/22), rješavajući po žalbi ponuđača ROUTING d.o.o. Banja Luka, izjavljenu na Odluku o izboru najpovoljnijeg ponuđača za JN 61/23 "Izrada izvedbenog projekta za vrtić Lužani", općinski načelnik donosi:

RJEŠENJE

I

USVAJA SE žalba izjavljena od strane ponuđača ROUTING d.o.o. Banja Luka, izjavljena na Odluku o izboru najpovoljnijeg ponuđača broj 06-11-3501/23-4 od 17.07.2023.g. za JN 67/23 "Izrada izvedbenog projekta za vrtić Lužani", **kao osnovana.**

II

Stavlja se van snage Odluka o izboru najpovoljnijeg ponuđača za javnu nabavku broj 06-11-3501/23-4 od 17.07.2023.g.

III

Po pravosnažnosti ovog Rješenja ugovor o javnoj nabavci za "Izradu izvedbenog projekta za vrtić Lužani" dodjeliti će se ponuđaču ROUTING d.o.o., Banja Luka, čija cijena ponude bez PDV-a iznosi 46.900,00 KM.

IV

Ponuđač ROUTING d.o.o., Banja Luka obavezan je u roku od 7 dana od dana prijema ove odluke Ugovornom organu dostaviti uvjerenja iz člana 45. stav (2) tačka a), b) c), i d) Zakona o javnim nabavkama.

V

Ovo Rješenje objavit će se na web stranici Općine i istovremeno dostaviti ponuđačima koji su učestvovali u predmetnom postupku.

Obrazloženje

Ugovorni organ pokrenuo je otvoreni postupak nabavke usluga "Izrada izvedbenog projekta za vrtić Lužani", broj obavještenja sa Portala javnih nabavki: 888-1-2-151-3-144/23 od 20.06.2023. godine.

Procijenjena vrijednost nabavke iznosi: 50.000,00 KM bez PDV-a.

U navedenom postupku donesena je Odluka br. 06-11-3501/23-4 od 17.07.2023.g. o izboru najpovoljnijeg ponuđača URBIS CENTAR d.o.o.

Ponuđač ROUTING d.o.o., nakon izvršenog uvida u ponudu izabranog ponuđača, izjavio je žalbu na navedenu Odluku koja je kod ovog organa zaprimljena 28.07.2023.g. i protokolirana pod brojem 06-11-3501/7-23 veza.

Postupajući po predmetnoj žalbi, u skladu sa članom 100. Zakona o javnim nabavkama ugovorni organ je utvrdio da je žalba blagovremena, dopuštena, izjavljena od ovlaštenog lica i lica koje ima aktivnu legitimaciju.

Žalilac osporava prihvatljivost ponude izabranog ponuđača URBIS CENTAR d.o.o. Banja Luka jer je isti dostavio diplomu za lice koje je diplomirani inženjer građevinarstva opšteg smjera a ne konstruktivnog, kako je to zahtijevano tenderskom dokumentacijom.

Naime, tačkom 2.4.1. pod b) TD kao uslov tehničke i profesionalne sposobnosti ponuđača propisano je: *"Ponuđač za realizaciju ugovora mora imati na raspolaganju najmanje (...) jednog (1) inženjera građevine (konstruktivni smjer) sa položenim stručnim ispitom i najmanje 10 godina rada u struci (...)"*.

Tenderskom dokumentacijom u tački 2.4.2 od ponuđača je kao dokaz tehničke i profesionalne sposobnosti zahtijevano:

*„Diploma o stečenoj stručnoj spremi
Uvjerenje o položenom stručnom ispitu
Uvjerenje ili potvrda o radnom iskustvu u struci (izdaje poslodavac kod kojeg je zaposlenik stekao radno iskustvo)"*.

Ponovnim uvidom u ponudu izabranog ponuđača URBIS CENTAR d.o.o. Banja Luka, ugovorni organ je utvrdio sljedeće:

- Na strani 63. ponude dostavljena je ovjerena kopija diplome Arhitektonsko-građevinskog fakulteta u Banja Luci, broj: 135. od 20.10.2006.g., kojom se potvrđuje da je Milaković Igor završio studij za sticanje visokog obrazovanja na Arhitektonsko- građevinskom fakultetu odsjek građevinski, smjer opšti i stekao zvanje diplomiranog inženjera građevinarstva.
- Na strani 65. ponude dostavljeno je Uvjerenje Ministarstva za prostorno uređenje, građevinarstvo i ekologiju Republike Srpske o položenom stručnom ispitu iz struke građevinarstva smjer opšti odsjek konstruktivni za Milaković Igora, broj: 15.06-153-80/13-G-1832/2013 od 22.02.2013.g.

Na osnovu ponovnog pregleda dokumentacije i utvrđenog činjeničnog stanja, ugovorni organ konstatuje da je tenderskom dokumentacijom zahtijevano, između ostalog, da ponuđač za realizaciju ugovora mora imati na rasplaganju jednog inženjera građevine konstruktivnog smjera, a ne diplomiranog inženjera građevinarstva sa položenim stručnim ispitom - odsjek konstruktivni. Izabrani ponuđač je dostavio dokaze da ima diplomiranog inženjera građevinarstva opšteg smjera sa položenim stručnim ispitom iz struke građevinarstva smjer opšti odsjek konstruktivni, što nije u skladu sa zahtjevom ugovornog organa iz citirane tačke tenderske dokumentacije.

U skladu sa navedenim, ugovorni organ cijeni navod žalioaca osnovanim te se ponuda ponuđača URBIS CENTAR d.o.o. u smislu člana 68 stav 4 tačka i) odbacuje jer ista nije potpuna i ne ispunjava zahtjeve iz tenderske dokumentacije.



Pouka o pravnom lijeku:

Protiv ovog Rješenja ponuđač ima pravo izjaviti žalbu u roku od deset dana od dana prijema iste. Žalba se ulaže URŽ-u putem ugovornog organa u pisanoj formi direktno ili preporučenom poštanskom pošiljkom. Žalba se podnosi u tri primjeraka.

OPĆINSKI NACELNIK

Nermin Muzur, magistar uprave

DOSTAVLJENO:

1. ATRIJ d.o.o., ul. Kneza Miloša 40/7 Doboj
2. ARHLINE d.o.o., ul. 25 Novembra ZAVNOBIH-a 5, Kalesija
3. ROUTING d.o.o., ul. I krajiškog korpusa 16, Banja Luka
4. URBIS CENTAR d.o.o., ul. Bulevar V. Stepe Stepanovića 101 a, Banja Luka
5. Služba za razvoj i infrastrukturu
- ⑥ Služba za zajedničke poslove (za objavu na web)
7. a/a

Izradila: Arnela Merdžanić, BA. prava

Kontrolisao: Benjamin Mešak. Dipl. ecc